

Headline Cabaran guru kaunseling  
Date 25. Feb 2008  
Media Title Harian Metro  
Section Variasi  
Circulation 172903  
Readership 605160

Language MALAY  
Page No 6  
Article Size 496 cm2  
Frequency Daily  
Color Full Color



# Cabaran guru kaunseling

YPC anjur seminar bantu guru atasi masalah, karenah pelajar



**KENANGAN...**sebahagian peserta bergambar kenangan selepas tamat seminar



**KHUSYUK...**peserta memberi perhatian sewaktu sesi ceramah

**B**AGI membantu guru kaunseling menghadapi cabaran dan kerenah pelajar, Yayasan Pendidikan Cheras (YPC) menganjurkan Seminar Peningkatan Profesionalisme Guru Kaunseling, baru-baru ini.

Seminar dengan kerjasama Jabatan Pelajaran Wilayah Persekutuan Kuala Lumpur dan Kolej Teknologi YPC-IT Web itu memberi input berkesan menangani pelajar bermasalah.

Penceramah jemputan ialah pensyarah Komunikasi Universiti Putra Malaysia (UPM), Ishak Hamid dan bekas pensyarah Universiti Malaya (UM), Dr Fatanah Mohamed.

Pengerusi YPC, Senator Datuk Syed Ali Alhabshee, berkata guru kaunseling perlu bersikap terbuka menangani permasalahan pelajar di samping rajin mencari ilmu.

Beliau berkata, guru kaunseling adalah antara guru kepercayaan pelajar dan menjadi sandaran meluahkan masalah selain ibu bapa.

"Guru perlu menggunakan kepercayaan ini untuk membantu pelajar."

"Apabila pelajar bermasalah mengadu, ini bermakna mereka percayakan guru dan gunakan peluang itu untuk mendekati mereka."

"Mewujudkan kepercayaan bukan mudah tapi jika mampu membentuk semula keperibadian, sudah tentu ini satu kejayaan besar," katanya.

Seramai 95 guru dari sekolah menengah sekitar Kuala Lumpur menyertai seminar sehari itu.

Guru SMK Sri Hartamas, Alida Ali, berkata seminar itu memberi pendedahan baru kepada peserta selain mendalami kepentingan dan tanggungjawab utama guru



SYED ALI...bersikap terbuka.



kaunseling.

Menurutnya, walaupun sebahagian besar sudah lama berkhidmat, mereka perlu didedahkan dengan ilmu atau mekanisme baru menangani pelbagai kerenah pelajar.

"Dalam era globalisasi, guru kaunseling memerlukan pendekatan baru menangani kerenah pelajar," katanya.

Rakannya, M Saravanan dari SM Tinggi, Setapak, berkata pelajar hari ini terdedah dengan pelbagai cabaran dan memerlukan bimbingan bagi memastikan mereka tidak tergelincir.

"Guru kaunseling bukan tugas mudah, jika tidak cukup ilmu bagaimana mahu membantu pelajar," katanya.